

樂

志

堂

文

集

樂志堂文續集卷二

南海 譚 穎玉生撰

重刻肇鑑圖書後

昔有攜妾遠行織錦特貽夫婿從軍久別裁詩竟獻君  
王古今豔說仙才中外誰誇女表是卽吟同柳絮頌比  
椒花文辯兼該心形俱服足冠婦人之集誰編女史之  
箴若乃觀其著撰已極巧而窮工繹其詞章又陳規而  
起諷義皆重疊語必迴環嘉言足題闡德斯諒肇鑑圖  
者唐上元初南海女子作也迴風流水瓏玲四角之欄  
倚鳳垂龍匝千年之字言言協律敘端委以無由語

語離章析毫芒而極致應弦赴節四聲則三律均諸分  
風璧流兩字則中權各據雙枝雙葉銀纏翠卮之靈八  
面八方寫卦圖星之象且也意存比興用等箴銘如披  
德象之篇宛接文人之論先生望重隱者風宏訓誠實  
本聰明敘次尤憐清雅倘賡弋鳧之什誰賦翹翔卽占  
鳴鶴之爻恆令反覆鍾琰禮儀法度豈徒嘯詠之工班  
昭博學高才端由節行之美想其內集談深新粧咏罷  
或下從溫嶠或報有秦嘉本園圓而不破豈欲賣而題  
詩卽索寘以難忘誰相看而作畫蓮枝舊贈易喻分敘  
竹葉新裁甯徒製錦於是銀缸對寫牙管先書借玉尺

以量勺剗金針而鏤出蓉裳蕙帶左帨右箴寶月長懸  
纖塵不著滌瑕盪垢乃方寸之無私灼往觀來庶毫釐  
之必鑒妍媸迥異端藉乎脩治表裏皆同質資乎磨瑩  
鉤心鬪角疊矩重規謝牽衫著釧之吟刪寫翠傳紅之  
韻十六句重羅八字幼婦才名百九言複作雙文大家  
讚頌足載聲於形管甯遺懿於玉臺夫蔡女知琴竟爲  
胡婦魏宮留枕願適陳王謝道韞恆施素襪本恨王郎  
張麗華共擘采牋郤偕江令以至婉兒爲崔湜之朋秋  
嬢原李錡之妾枇杷花下署才子以吟春楊柳梢頭約  
情人而待月魚元機之才思誰遣縱懷李清照之文章

同羞晚景類觀才藻絕鮮幽閑非無典美之詞敢說清  
芬之操若女子者瞻前顧後明禮閱詩往復纏綿箴規  
諷諭則雖香名靡泐軼事不傳愛其才者尤重其德焉  
有唐時曾爲王子安令狐慤士所稱雖嘗疊賞乎宗工  
仍未偏傳於士女值重脩乎職志爰再付乎雕鐫庶幾  
式此女宗不僅資乎姆訓珩璜有度璫珥無光照瞻照  
心宜家宜室事殊天寶詎侈十眉之圖望遜曲江此亦  
千秋之鑑

東還紀略書後

右東還紀略一卷與輪臺雜記兩書均春林史先生撰  
望與賢倩侯君謨孝廉詛託素交分居後輩道光丙戌  
值新疆之構釁知舊著而假觀顧未登李膺之高門參  
劉惔之末座也輪臺迥殊人海實盡天山紫塞雲黃金  
城月素風穴之狂風陡作雪山之積雪難消先生以鉤  
河摘洛之才宜建耀日熙天之績鬼神呵護閭巷謳思  
愁著循聲却罹重譴竟同還戍油然報國之忱永憶慈  
親早慰倚闌之望嶺隅簡札塞外輪蹄攜數十口之流  
亡閱二萬里之衝要還家最樂行路綦難仍越果子之

溝言辭木葉之戍浮萍漂寄苦筍平安侍阿母而彌歡  
願力農以沒世虎頭無恙鴻爪當留感破格之

恩深誌撫時之願切殆稍異於陸劍南之記入蜀郭功  
甫之記客杭矣哲嗣穆堂山長昆仲等並付劂氏而琬  
鐫當爲藝苑所珍祕孝廉雜著附刻遺書亦綴小詩輯  
刊總集復有光闕龍淵竊恐灰隨蠶簡惜老成之凋謝  
嘆文福之懸殊循覽二書倏經卅載宛鄰笛之再咽久  
人乘之俱亡已羨微雲之女婿論撰亦倚馬萬言知明  
月之前身還往第驂鸞一笑

桂丹盟觀察養浩齋集書後

稱詩專師李唐兼祖漢魏果導源於周雅復取逕於楚  
騷俯視齊梁仰窺陶謝誰入清翁吟社竊同野史名亭  
合初盛晚諸賢迄蘇黃而靡盡與袁蔣趙齊列竝王朱  
而不慙鳳跡鸞吟雕爭鼈抃捧敦槃於白雪馳書幣於  
絳雲作者傾心才人低首一集之流聞易遍千春之名  
譽翕然足演迪乎斯文亦尋恆之餘事若今讀桂丹盟  
先生養浩齋集若干卷續集若干卷而竊嘆其前無古  
人後無來者殆四朝之詩史洵一代之詞宗也惟先  
生忠孝性成英雄材裕合爲宰相文章原似敬輿纔作

秀才責任居然小范政績召杜勳名陶劉詠懷誰將步  
兵傷亂偏同太尉定許稷契業謂羲皇轉轂靡常磨盾  
素豫管樂誰比夙工梁甫之吟開寶卽殊塵念汾陽之  
輩詆新亭之對泣豪宕可知盼開府以重來指揮卽定  
澄清有願遭際何如第思保障海隅原欲掃除天下其  
詩也似太羹元酒原美玉良金氣志如神文史足用耿  
介壹鬱古直悲涼李紳憫農韓愈薦士存住山之本色  
發思古之幽情聞關琴劍而倦游迷悶薄書而卽寓邑  
鮮逋亡之慘仍媿俸錢自慙居處之崇森羅畫戟宛如  
鄭俠一拂圖繪流民直埒劉蕡萬言第論時局誠通衡

嶽神相感而特靈惠洽道州賊詎憐而輒退宋蘭臺自  
作九辯蘄尙何誅杜少陵實賦八哀次律誰護長江鳴  
咽逝者如斯大樹飄零將軍乃故桃花源杳細柳營摧  
險厯彭衙誅均汧督鉅平鈴閣小杜鬢絲夙知江左夷  
吾敢笑太原降將謝文靖去思原切竦北甘棠韓忠獻  
晚節彌香圃存黃鞠睢陽爲厲而殺賊是所甘心令尹  
紓難而毀家自然流涕南澗之宅仍卜北府之兵不來  
宛聆口碑恍閱年譜河山如故便抵封章館閣云誰藉  
撰紀傳忠良翊聖仕止匡時祇當代曹劉實再生南  
董已以例疎鐘清磬第彷彿然古音素練輕縹自謗鬱

爲時望百年萬里之作露初星晚之章迴不瞬耳至謂  
飄然無敵行氣如虹理趣不凡寄愁與月字字可尋根  
據言言輒吐光芒飛動鬱盤清轉華妙一空依傍不主  
故常對工而特奇韻險以彌穩無庸贅已學使漁莊先  
生合秉珠衡曾侍絳幄遠貽紗帙同付琬鑄恐帝虎之  
或訛特襄讐校笑妃豨之苦學彌願推崇知一心殆可  
同天嘆五體竝當投地盥薇恪誦永矢弗諉已吳棲山  
遠贊福命同鄉均具熱腸張仲治亦號敢言竝世當銷  
傲骨 御屏名在第寫十聯之詩記室文傳緣附一品

之集

太華山人詩存書後

夫傳編循吏文苑誰兼錄檢先賢詩家特渺若乃口碑猶在遽同騎省之間居手筆爭傳不減春陵之舊作如我王受之先生太華山人詩存者洵無媿已惟先生降祥繡被絕盛烏衣張氏則才擅景陽賈家則最推偉節夙嫗論撰兼善詩歌乃製錦於八閩遞鳴弦於六縣誰治單父星月容閒如今灌壇風雨不作淳陞通守普建生祠遺愛翕然循聲綽著諭蒙之作剴切詳明讞獄之辭纏綿悱惻延禧復古悅芹藻之俱馨課雨量晴卜桑麻之如繡讀其詩如隨觀稼宛聽哦松若覩栽花仍哀

拔薤者歟尋而解組歸來導輿至樂求雀炙供鹿脩紫  
綬金章牙籤錦帙松篁三逕桃李一園錦里則耆舊同  
編圭塘則弟兄有集周益公之未老詩酒相娛姚武功  
之獨閒篇什漸富談多稼穡訪到荔蘿涼蟾夕窺癯鶴  
晝警譜鬱輪袍而誰屑吟詩分詠輞川撰未耜經而靡  
遑叢書合署笠澤竊謂詩關根柢尤重性情故陶謝齊  
稱而靖節之風徽特遠韋柳並舉而蘇州之識解彌超  
官比巴東句獨稱乎野渡人希君復歸久住乎孤山心  
迹雙清蘿袞一致邊幅匪狹用如素練輕縑寶光淵然  
神似渾金璞玉政侔閼道原可告天直言韻用端明宛

然度嶺諸作

詩多用蘇韻者

亭猶野史枕卽游仙村原惟遍桃花官廨猶存柏樹行簡原異理趣非凡騷人之文耿介

壹鬱雅材舊著潔淨精微詩卷長留文外獨絕固不僅落霞秋水之豔節鉞推襟微雲疎雨之幽臺省閣筆已

鄭小谷比部序云不求工而自工又云古體工於近體五言工於七言諒哉諒哉季弟兩粵都轉靜山先生小

試和羹之事珍藏屬藁所遺青簡尙新素琴久輟望如小宋豔傳紅杏之詞愛甚阿連永懷春草之什特付手民委瑩讐校合掌讚歎拊心飯依敢學鍾嶸之品詩難詣揚雲而問字官職與詩名並重白傅安知文章與政

事不殊子昂合鑄護須神物不徒鐵鎖一聯詣異鬼才  
仍愛錦囊什襲詎必禁邕而特賞琴匪焦桐尙期李乂  
之合編集名花萼

鄭小谷識字耕田夫小照跋書後

瑩南陽舊作云不徒人物無諸葛名士躬耕近有誰若我鄭比部小谷先生者殆兼之矣乃今讀所撰識字耕田夫小照跋而不禁喟然長太息也夫謝文靖青山墅睹裴中令綠野堂開白太傅之風流敘詳粟廩辛幼安之曠達號取稼軒偶寓性情無勞比例若乃釋簪裾而返里荷蓑笠以還山卜宅柴桑買田陽羨第結月泉之社迥殊山澤之癯詩仿石湖便擬村田之樂府集如松雪遍題耕織之畫圖耳先生則目第四部手訂萬籤其人在儒林文苑之間此事卽無逸幽風所載劉祥消之

鞠獄憶尙歛歐陽子之歸田袁然集錄勦松閉戶知  
稼稱翁兒寬帶經既鋤禾而輒讀高鳳握卷詎流麥而  
不知家足稻梁日事鉛槧居然二頃奚止半農子真甘  
作隱淪漁仲業成通志考經籍原如檢討烟雨歸耕營  
祠堂合祖司農溪山如畫洵足樂也卽謂往來楚水吳  
山教授鶯湖鹿洞離家匪遠浹歲仍還二月催耕分秧  
水碧一年生計刈稻雲黃王丹或載酒肴樊須仍學稼  
圃炊黍蒸藜之餉烹羊炮羔所歌園訝廣川之窺書等  
羽陵之曝芳草未歇懸知司馬之倦游良苗懷新時見  
泉明之語妙而乃妖星熣閃毒霧瀰漫豺虎縱橫鯨鯢

偃蹇兼年累載露蔓煙榛棘寺槐宮殤魂鬼火杜工部  
廢畦除架牢落可知王摩詰經卷繩牀遷流靡定但記  
仇池之穴遑問武陵之津僑居羊城永憶象郡梁鴻貨  
廡王粲登樓有問字之生徒獨指囷之朋舊天荒地老  
草成帶而無書水遠山長松斲牌而誰寫田餘舊研同  
編未耜之經人記亡書重錄巾箱之本稼穡惟寶仍愛  
茅容劇談竹木盡枯定如倪瓈所畫鷗邊犧外庸知幾  
日朝班豚柵雞栖也作一場春夢良可慨已然而門成  
都市人謂羲皇轉眼承平置身蘿袞清望羣推李郭  
盛名終學顧亭閣亭閣潛邱如此風神讀離騷便稱名士果誰

亭閣潛

邱

伯仲吟梁甫竊比武侯不可企已至如瑩者癡同竹屋  
所語惠鮮草堂之貴有田不歸坡老早盟江水何書可  
讀廣文但酌檐花且愧書廚安問田業三復此冊彌用  
愴懷

汪芙蓉秋城夜角圖書後

同治改元歲次壬戌冬十二月芙蓉君囑題其秋城夜角圖

僕

畏友也受而讀之撫時感事而不能無言矣

慨自辛丑定邊甲寅盜寇以迄丙辰貨廡丁巳移居避

地安之圍城依舊連營度度畫角聲聲哀同羌笛之吹

健兒果盡悲似胡笳之奏戰骨彌寒容易鎮心原難習

膽固事權之不屬亦才操之迥殊耳惟君佽飛斬蛟北

平射虎有翦雪裁雲之作本鉤河摘洛之才禰衡之撾

鼓特精安道之碎琴誰料李供奉桃花潭畔早識汪倫

周亞夫細柳營中廻得劇孟時五嚮亭太守宰曲紅之

善地懋著循聲愛慘綠之風裁練知兵事值黃巾之肆  
擾抵玉壁以長圍賊匪夜郎城猶黑子桑麻被野草木  
皆兵囁啼白項之烏夜秣黃驥之馬吹筦巡矣劉琨之  
清嘯夷然擣笛不來馬援之倚歌誰和君乃撫弦登陴  
磨劍殺賊公如傅燮身世安知余詎鄙超喜怒宜爾軍  
儲早辦戰具同脩刁斗倍嚴微幟誰換將軍揖客玉帳  
牙旗戎府詩仙山樓粉蝶祖逖憂國舞待聞雞曲端馭  
軍點勞縱鵠時也月華端正霜信綿濛旅燕未辭塞鴻  
無限一聲鳴軋百感中來譜新樂府而未遑夢古戰場  
而欲弔省識兵心之苦能令士氣之揚燈火微明鈴柝

相答三峽聽五更之轉星辰動搖萬方同一哭之悲風  
露淒咽海隅記室如聞關隴之吟吾輩從戎獨說江山  
之助雙鳴兮似語三疊兮銷魂閒身仍類白鷗俠骨早  
吞青犧卒使韶臺之石永奠相江之波不興巷有絃歌  
署無兵檄樓仍風度蕪城均軟繡之街堂仿此瞻連榻  
比聯吟之社魯連豪士排大難以飄然孟嘉參軍作蠻  
語而誰眉香爐玉屏之遠梓鼓不鳴珠厓銅柱之難栞  
鶴同去斯圖之繪夫豈偶然今日者中原多故海水橫  
飛鯨吼雕爭猿吟鶴唳聚落盟心而懸鼓官總習行英  
雄彈淚以吹簫市難乞食倘大樹下之跡名人如太守

紅蓮幕所企羨各比美生氣祲全消光華復旦太平  
可卜下武其興格三苗斬孤竹中和頌擬封禪文傳豈  
異人任若夫征虜雅歌汾陽伎樂銅琶鐵拍梗概原類  
端明豪竹哀絲陶寫或如文靖亦借閭之韻事諒足副  
所深期也至謂希範裁牋脩期磨盾陶威公之作答孔  
少府之讀書均屬外篇無庸贅述

許九霞同年秋江詩畫冊書後

我九霞同年以鉤河摘洛之才蕩海彝嶽之槩宜其雅  
頌 皇迹丹青 帝猷譽擅無雙官居第一玉堂恩寵  
賞花釣魚鈴閣蕭閑對竹思鶴唯修五鳳去住蓬壺逕  
策六鼈廊清溟渤卽不然而譜傳理縣詩撰諭蒙求勾  
漏令以如仙賦春陵行而退賊馴魯恭之雉栽潘岳之  
花籬菊笑人江鷗識汝夢故鄉之山水採絕徼之芳馨  
吾兼吏隱之名吟同楚些地有湖山之美圖繪幽風至  
足樂也而乃辭蟬捨冕作保障於鄉閭依然載鶴攜琴  
播風謠於灘瀨韶臺尺劍漬水歸艎寄遐想於林皋託

深情於花鳥撫時感事假日銷憂以咸豐十一年秋九  
月由扶胥北旋成秋江詩畫冊焉詩共若干首仙才遠  
紹乎太白鄉風恪守平曲紅沈鬱蒼涼清轉華妙畫凡  
八幀北苑遺法仍參極筆於三王南田寫生如仿祕藏  
於九禁嗟乎同年顧僅欲以詩畫傳哉際此華裔稍  
安高涼不靖中原多難全粵可虞能祈寨將之靈二禹  
偕隱果遂向平之願五嶽同游逕漱石而枕流盍乘風  
而破浪嗟嗟百鳥啁啾孤花搖落石棧猶存廢壘花阡  
曾作戰場聞鳴雁而遍開秋光點綴觀打魚而竊痛江  
景蕭森豔庾蘭成之年華含香矯翼抱杜拾遺之忠憤

濺淚驚心三逕誰資業比陶潛之歸去衆山皆響真如  
宗炳之臥游錄著澄清庶直同乎丞相

坡集編次乃元

可用昆仲著有

圭塘欵乃集

許

非所望於君家輒貢迂言便作左券布

帆無恙旣折柳而停橈詩卷長留仍坐花而奠爵脩期

未老先草破賊之檄文文正交推自擬游山之錄敘

鄭小谷藏顧亭林墨蹟書後

亭林先生學洞天人情纏墳典開來繼往絕後超前湛  
甘泉格物之通原懸其篤實邱瓊臺衍義之補總媿其  
精深詎如豆之合黃豈是丹而非素絕無成見實本虛  
心購專集於曲紅缺兩序而兼錄謹嚴縝密飛動鬱盤  
宛然虞褚之典型畧具鍾王之法度端非信手夫豈愜  
心我

朝碩學好詆前明曾非莊景之迂盡如楊慎之駁原難  
低首殆鮮完膚矧以碧玉派流類同禪悅散錢學問端  
異史才先生泛覽流觀兼收並蓄目曾周翫手自補治

別寄津梁之遐想先除門戶之結習轉因藏弄足概生  
平已小谷比部偶獲其書另裝此冊盥薇展對屬草題  
還慰蘭茝之微忱記榆枊之佳話至謂道腴耽味文筆  
兼嫋忘漢宋之町畦臻杜韓之閻奧曲紅勳閥先生自  
遙之曲紅辭翰先生當儷之推初盛文章弁冕瓣香宜  
逮嶺南覓郡國利病圖編手蹟仍存浙右

許九霞同年藏戴文節山水長卷書後

嘗聞戴文節殉難時賦詩有云撒手白雲堆裏去從今不願到人間乃今讀九霞同年所藏文節山水長卷而益嘆其本具英雄之識特深仙佛之緣也觀其靈參造化思鬱風雲著墨偏濃拘紙欲濕興酣落筆五嶽俱搖道阻回帆三山復到早悟浮沈人海原比蜃樓洵宜去住仙山先辭鳳闕迨騎箕尾逕返龍天誰豔吉光片羽之留殆如陳寶赤刀之貴而乃松院錫飛蘭亭帖賺偏落彭宣之手合招正則之魂僕國琴同司農笏似嗟嗟色相本空光靈不沫別饒生趣湧現莊嚴各有來因

游行自在衣苔帶藻梅山禹廟之間雜荔薦蔬香爐玉

屏之勝勵竹柏之才操悅隍澗之蕭閑瞻仰煙霞光華  
日月廿年舊事披圖卻憶徐熙亡友徐鐵孫觀察歲乙卯殉難浙江先於壬寅  
曾以所作墨梅畫冊遠貽遭亂竟亡之也一代盛名傳畫轉憐孟頫

江曉帆中丞遺詩後序

夫吉甫作誦清風穆如姬公遽歸零雨不復碧雞金馬咸知特出之才銅柱珠厓牘見留題之作體原臺閣典裁定姽婳楊助有江山名位合同燕許文傳驅鷁韓昌黎之政績可知說喻捕蛇柳子厚之遭逢略勝比韓稚珪之節操三逕晚香嘆蘇內翰之生平一場春夢此伏讀我大中丞曉帆江公夢甦齋詩鈔暨海上寓公草而不禁喟然太息也惟公虞陸皋夔漢廷馮鄧誕青蓮之故里精降長庚豔紅杏之香名材推鼎甲譽稱懷橘孝感足徵冥錫探花科名不愧殿前作賦不勞狗監

而

夙知江左衡文殆留鸞掖之舊價星輶偶駐志桂海之  
虞衡水鏡高懸訪襄陽之耆舊筆生花而入夢封比醴  
陵疏焚草而輸忱宅鄰工部思戀闕而辭朝用當  
官而守惠作一方之保障仍築堅城奠五管之流亡藉  
殲狡寇願寇恂之永借期黃霸之重來頌劉寵之廉能  
視韋皋之壽考拊黎甿於瀕海兵備雷瓊裕財賦於度  
支使轉鹽鐵事煩陳臬諫獄歛歛任鉅分藩得人審慎  
中興方伯羣推荀羨之年新建撫軍宜有桶岡之捷望  
隆督粵共冀韓雍論著徒戎誰知江統顧以獨檣不靖

攝篆兼司宣峻蠻防遂里吏議自分角巾東第未遑徒  
步南岡橫海待籌歸田許賦遂乃怡情篇什寄意謳歎  
臣本布衣地銷金甲陸龜蒙之去住茶竈筆牀王摩詰  
之生涯藥爐經卷或嘔心乃就貯合錦囊或义手輒成  
催勞銅鉢玉宇瓊樓之句終是愛

君霜松雪竹之篇偶來呈佛

公屢游諷吟於長壽寺半帆豈必和陶

之詠從無弔屈之文性情直是古人胸次居然達者爰  
搜舊作並列新詩遍囑心交以品評統付手民而剞劂  
其詩也風流自賞理趣不凡近敵王朱遠師顏謝或競  
書團扇或曾奪錦袍閒僧宜籠以碧紗吟社當賚之金

爵降幡鎮鎖實弔古之英篇疎雨微雲殆到秋之名筆  
良金美玉均嗣三唐之音素練輕縹閒沿兩宋之格元  
裕之之颯爽氣挾幽并高季迪之清真才高王李洵足  
傳已識兆白雞聲聞甲馬俟送嚴公歸櫬傳觀安石碎  
金退閒本繫安危英雄豈論成敗筆似脩期草檄集猶  
陸贊良方禪榻落花談兵小杜禊堂脩竹誓墓義之故  
將軍倘念北平真名士誰如忠武瑩曾聆磬教實荷陶  
甄劍珮遑趨牋繪久曠刊詩讐校秀才偏憶老符餉序  
流聞先生深愧元晏知心魂之相守愛形迹之兩忘肅  
列頭銜詳書尾段廬曾謁

帝倘尙寫十聯之詩樓孰籌邊殆空存一品之集羊鉅  
平峴山遺愛傳待沈碑馬文淵武溪作歌和容吹笛此  
卷長留天地他生猶記依稀懸知曠代才人且鑄闡仙  
之像不僅名山古刹珍藏白傅之詩

修省軒雜錄後序

滄海橫流狂瀾既倒經籍箋疏宜束閣中聖賢箴銘誰  
箕座右槃孟在御圖牒罕存希履翛然針砭誰敢藉以  
披艱埽穢警贖振聲者其惟仙釋二氏之書乎惟三教  
之同源與四部而齊轍誰聆棒喝業等卮言南華久似  
僻書東觀也均未見遂有傳聞各各流布家家慣見任  
誚於司空持贈乃偏於殘客柳下賡鼎子才誤書老生  
宜作常談元宰固當必讀感應編在至煩紅豆之箋陰  
鶯文同彙成丹桂之籍鐘聞平旦燈續彌年依然綺合  
星稠屑論良朽蟬斷乃今閱思忍氏所刊脩省軒雜錄

一書而竊歎其不主故常絕去雕飾如聞獮子之吼迴  
異免園所編也溯自黑山構釁赤狄行灾九服囂然萬  
邦多難剛際銀河清淺俄驚鐵颶縱橫水怒如山風鳴  
挾雨塔輪久墮星瓦皆飛萬井仙靈千村鬼哭龍吟麟  
鬪鼈朴鵬爭擘山挽河盪海夷岳大木斯拔深谷爲陵  
雷霆不聞煙埃欲暝單舟疊舸西舫東船捲飛蓬埽落  
葉時經彈指水遍沈骸死第輕於鴻毛葬可萃於魚腹  
豈非天心之示警者乎真靈位業宜大聲而疾呼衆生  
顚愚覺微言與奧義李蕭遠有言善惡書於史冊毀譽  
流於千載賞罰懸乎天道吉凶灼乎鬼神故可畏也所

謂言之者無罪聞之者足戒非歟或疑術同調象戲寓扶鸞託言優孟登場虞詆灌夫罵座竊謂天上游戲直心可知人間去來熱腸轉甚破除積習須礪劍鋒解脫沈疴待繹經卷拈花頓悟能使迦葉破顏灾梨遍貽不僅豐干饒舌厥旨如太羹元酒當味道腴所言如素練輕縫實濟時用似謠似諺殆沁心脾無古無今直抒胸臆棟梁無用恐松樹子之永憐寺院皆香證木犀禪而誰隱不持寸鐵臺省文章宛餽兼金神仙功德美人香草楚騷盡含忠履潔之辭羽獵長楊漢賦有憑虛亡是之作正不必究其說之果自純陽否耳斷楮零縑寫墨

梅數瓣銀鉤鐵畫入木版三分海闊天空鳥鳴花落度  
人仙訣壇非狡猾麻姑埽地家常我亦清涼行者心如  
棘刺丸須服而何假外求舌有蓮花偈誰傳而恆思自  
警水濁濯足宛聞孺子之作歌石頑點頭當解生公之  
說法竟令老死誰度鐵橋各有因緣定尋丹竈寸衷耿  
耿何知怒目低眉闔宇茫茫尙盡刮腸洗胃解懸老嫗  
真如白傅之詩望匪昌黎却善唐衢之哭

得印圖跋

戰覩昆陽文叔復漢家之璽釣非城下故人占尙父之  
璜識紹金刀帝座之星辰誰犯珍同碧玉釣臺之風月  
翛然留貽先玉帶生傳竹如意碎興廢效金盤仙泣赤  
伏符銷我寄泉先生原是雲臺人物竊慕煙波釣徒迹  
異羊裘兆仍鵠印趙妾定屬宜主冀定庵舍人得漢鳳  
紐白玉印文曰婕妤  
妾趙定爲飛  
燕趙后物周侯乃名惡夫所寶維賢伊人宛在投誰  
作報瓊琚玉佩之辭拂有釣竿珊瑚碧樹之趣圖形物  
色同闕魚莊列傳隱淪誰爲贗鼎能書千木紙尾迥異  
洪厓幞頭葉竹永矢弗誼赤松未易輕擬緬想富春山

水心迹雙清遍徵華夏詩歌莊嚴一例相伴攜琴載鶴  
蕭閑也作漁謳何須捨冕簪蟬名氏同垂印史

罷合浦採珠議

合浦海中珠池七所瓊蚌之所孕育毒魚之所呵護島環回而洲平風翻攬而水沸鐵輪藤纜大組小繩數年所蓄本非十世之資百里云遙恆餘一線之血苟念瘡痍亟思釐革已採珠之役漢唐無考

語本天下郡國利病書

然而

採珠致產乃獲故鄉之歸內珠入關幾令列女之坐貪穢者積以自入孟嘗到而始還猥多者限每不充陶璜表而特請黃武以珠官名郡貞觀以珠池改縣志稽萬震珠兒得而輒吞錄紀劉恂珠戶監而悉貢珠禁代嚴珠人實瘁已迨僞劉之代置媚川之都隸役二千人入

海五百尺籍商賈充府庫流清渠飾廣殿燔彝之餘存  
四十六甕進獻所直給百五萬錢繩繫手而僅存石碑  
足而爭溺迨宋太祖開寶五年罷其卒爲靜江軍已太  
宗以英斷之姿席承平之業干戈靡息而俘馘屢獻螟  
蝗殆徧而庚癸不聞禍亂欲平珍奇漸至財旣豐於內  
藏貢已肇於容州本紀太平興國二年容州初貢珠獻花木之圖改雲  
韶之部許封禪賜大酺侈心萌矣而乃禁採珠罷貢研  
復以雍熙元年十二月罷嶺南採珠場焉夫人君不大  
斬伐以偏山林無多畋漁以偏川澤絕縑綸之費除彫  
琢之飾以紙絹爲帳戾以鐵木爲鞍勒當令一國紫衣

頓改何待十年黃金乃賤正不必廣設科防屢申鈐束而不知期奢實易守樸良難始類純華終誰飾儉彼洪

武七年罷廣東採珠

見黃泰泉廣東志

二十五年差內官於廣

東起取蠶戶採珠給與口糧者

見續文獻通考

獨非雄略之主

也歟哉史稱太宗服澣濯之衣毀奇巧之器卻女樂之獻悟畋游之非至欲盡除天下田賦以絀民力有由然

也且合浦尤非可虐用其民者也鑿山爲城踐海爲池

西望天涯南登海角

天涯亭在欽州海角亭在廉郡南

閱十二年而未

已設十七砦而誰防採珠之人一而買珠之人十產珠之地七而市珠之地且千原非捲握之珍舊說逋逃之

數欲購非常之寶恐釀非常之變顧後之撫斯土者初無定制迄少專官始旣分司終仍總屬卽收其權於內監猶專其任於憲臣巡哨靡周干預誰劾靡由申訴淳至交通排柵廠房竟成虛設網兜船隻豈必俱完或溺人五十餘得珠八十餘兩或用銀九千餘得珠四十餘兩危哉林富之言痛絕胡鼇之議留心民命者其永念開寶雍熙之初政也哉

寂惺齋主人圖像記

主人特拈寂惺兩字以觀道而卽以名齋羌無故實海闊天空各有來因水流花放倩誰繪像穩坐蒲團云自補圖定留丹竈本來面目端合住乎羅浮蘭甫同年題句與主人有約如此風神待徐脩乎仙佛倘憶趨翔廊閣畫省香鑪卧理滇黔節樓羽檄鄰侯作相謐煨芋之因緣新建通禪豔征苗之勳績信三生之福命得半日之蕭閒韓稚珪之功名節比黃菊張子房之建豎游訪赤松亦平地之神仙本眞靈之位業耳然而莊嚴七寶轉眼皆空飛舞萬花著手同散主人者朝衫久脫塵網全拋清淨

空明堅牢鎮定杜工部青鞞布襪謝文靖散髻斜簪久  
要惟雪竹霜松相對祇清泉白石非儒釋道定置邱壑  
之中閑去來今自謂羲皇以上不喧不寂明月萬山不  
睹不聞飛瀑千丈蔬足果足鉢鉢翛然風寒水寒琴筑  
互答鐘魚不設笙鶴無聲雙僮未解應門諸佛殆思入  
座無勞而壁安問寫經業早歸山偶然作畫屑談辟穀  
仍學拈花此中有人其實無我某山某水定爲二氏所  
居何代何年遍游五岳而返蓋主人自此遠矣瑩移愧  
北山游喜東墅端明白髮高臺忘記德雲靖節素心淨  
社難容靈運題長句而未學示珍圖而惘然劉郎前度

看花吳質彌年伐桂易作濠濮之想深恐津梁之疲盟  
白水而敢渝指青山而同往生生世世悟彈指之機緣  
色色空空算當頭之棒喝主人爲誰同里羅廉訪六湖  
先生也

上蘇賡堂直指牋

海水羣飛烽煙赤熄切盼波恬塵靖海晏山巍舊雨榮懷慶雲在望恭惟名震華戎材兼揆奮裴中令灰心忍事身係安危諸葛亮抱膝長吟

帝知謹慎重寄宜超居外相誠効益彰大功定出於儒生權呼相慶王新建盪平八寨經濟集編崔與之安撫三城澄清錄著鑒辱襄化導夙荷矜全敬伫鴻輝當隨燕賀特修蕪稟略表葵忱伏乞鑒原仍希垂照韓稚圭位宜將相記撰錦堂馬伏波威懾蠻夷勲銘銅柱肅求鈞誨敬問鼎安卽頌升祺仍訊節喜不宣

貽鄭小谷牋

捧吟袂於春餘挂征帆而水遠憶五羊之久別寄雙鯉  
而偏遲幸同萍葉之隨波又睹荷花之繞岸比惟小谷  
先生吏部文章湖州風範馬季長夙精詁訓合擁絳帷  
管幼安何知亂離翛然曰帽振鄭鄉之絕學仿虞苑而  
註經道出羲皇門成都市懷鉛握槧棲原谷口之間折  
藕浮瓜飲同河朔之醉伯眉沈學博遇君香市過我松  
園知忝素交代傳芳訊原嗟契闊深荷注存某忙猶汗  
馬默比枯蟬拙甚鵠鳩驚同蛺蝶竟杜門之無術縱開  
逕而能來今雨縈懷停雲載望聞儲藏之特富經兵燹

而靡遺業同星宿之羅胸任比煙雲之過眼謹付上近  
刻粵雅堂叢書一部初編二編共若干卷校真同於埽  
葉居定比於積薪略供泛覽流觀竊願兼收並蓄嗟嗟  
人如曾子久寓武城之居我亦蒼生仍冀謝安之出禮  
堂清閟詩境蕭閑九夏平安二年延企鼎裯多福圖籍  
自娛書不盡意

復某明府書

代

疊奉手書敬銘心版猥蒙獎借彌覺馳惶比惟某官朝廷人物代有賜書家世儒宗門多列戟南州冠冕豈有能先東觀圖書當無未見絳幄遞懸於錦石香火緣深銅章偏握於玉堂文章望峻理縣誰曾著譜理學風醇居官仍愛讀書文昌星照某行能無算結習未忘偶然絢柳編蒲未竟芟蕪刈楚求益宵同乎買菜嫌多笑比於咏葵藉披榛而采蘭宛吹糠而見米疥駝或誚全豹庸窺僭刻叢編昔嘗遴選高懸藻鑑早判妍媸求定去留卽俾刷印編璫截貝當存照乘之珍屑玉零金所

貴連城之寶兼收並蓄敢言學者山淵賞奇析疑宜曠  
古人糟粕目覽書懸而頓易雒陽紙貴而何妨專待衡  
裁伏祈鉤誨恪遵明示快覩新編循吏政聲慶門文福  
仍希霽照卽頌台安詞不宣備

丙辰補行大科代省中各憲請王鴻臚典試入第

啟

伏以五嶺全銷兵氣端正月圓九賓尤重賢才文昌星  
照度世備延年之藥瀕海材多登仙隨貫月之槎清卿  
望峻朗懸冰鑑遠導霓旌恭惟老先生大人慶衍槐陰  
祥徵花瑞紹青箱之學業名冠六朝嚴白簡之風裁職  
兼二府圖百城以勵俗色正芒寒臚萬國以宣風禮明  
樂備節移東省溥 綸綺之新恩 詔出中朝簡文章  
之司命 特旨丙辰八月補行乙卯大科錦石謳歛瓊  
臺忭舞拾炎洲之翠羽貢滄海之明珠解劍戟以負琴

書釋弓刀以懷鉛槧士知敵愾陶鎔成韓范之才人賦  
同仇拂拭定管蕭之亞安危足寄肯教清獻之鄉居風  
度誰如或紹曲江之相業重熙累治允宜名世同符古  
誼忠言預以得人相賀定踰梅嶺早進棘闈謹啟

丙辰補行大科代省中各憲請張侍御典試入簾  
啟

伏以拾遺補闕 朝廷尊典試之臣舉孝興廉嶺海慎  
掄才之事導璇源而倒三峽詞壯觀濤朝金闕而領衆  
星頌宜比月密張珊瑚遠迓珠旛恭惟老先生大人道  
出羲皇器原公輔 詔補亡於三篋家有賜書擬取鑑  
於千秋臺惟古鏡槐廳清祕仿平子之研京柏署威稜  
仁乖厓之鎮蜀值 昭代朝熙門穆適此邦塵靜波恬  
詔補大科 恩榮特簡魚龍跋浪鷗鷺排雲歡聲騰  
灘瀨之波光喜氣躉樵湖之霞采揆文奮武時共贊夫

隆平糾謬繩愆土益勵夫名節龍編化遠威靈銷劍  
戟之光鳳藻銜新拔擢倍韜鈐之貴待完寶塔先繙千  
佛名經同咏覽裳合賦羣仙高會祇迎使節同進省闈  
謹啟

爲閩省人士請重建省闈上勞星階制府啟

竊以揆文奮武原當培植人材舉孝興廉實以陶甄士類闡揚帝德端藉審時觀變之雅裁維繫民心宜復論秀書升之鉅典恭惟督憲大人東南保障風雅總持台輔星明文昌宿耀韓忠獻垂紳正笏實寄安危諸葛相羽扇綸巾獨知謹慎詩書禮樂望重華戎智勇功名  
癖耽圖史我粵東頻遭兵燹不乏賢才戎幕猶張省闈盡圯慨自戊午正科以迄庚申恩榜猶然擾擾均緩舉行十郡嗒然五年虛度補從決歲尙記丙辰喜值今茲又屆辛酉慶膠庠之遞廣久業芸編冀瑣院之重修

旋登桂籍齊心同願業遲兩度公車彈指可成安得萬  
間廣廈某等望同癯鶴集比飛鴟情各羨魚智猶待免  
幸榆枿之若故冀棫樸之咸歌實理亂之攸關業太  
平之有象特聯名而上瀆定從欲而俯俞卽拜封章降  
九重之明旨遍移文告俾閩省之週知將及百名迥  
殊舊額卽從八月仍復大科倘蒙次第補牢戴恩尤渥  
尙俟艱難集腋需用原多人思舊貫因仍地記昔年辛  
苦闢建章之門戶營新豐之里閭前度曾來贌見免葵  
燕麥知誰典試仍裁野橘秋荷期書千佛名經鐵門有  
限擬合羣仙高會丹室先開經營如蟻穴蜂窠材具有

鸞臺鳳閣然犀照久當令塵靜波恬祭鰐文傳漸致山  
彝海晏造從平地愈見莊嚴合似浮圖倍徵功德戰場  
非古不徒精銳三千衛國所知豈獨孤寒八百魚龍將  
化仍須得地而飛騰麟鳳不如倘賀得人之祥瑞天下  
之文章在是桴鼓不鳴嶺南之氣運何如衣冠原盛

爲粵闢省人士請增建號舍上各大憲啟

竊以熙朝特典海隅之雨露偏多帝者勞求寒畯之風塵可念遞增孝秀益知文治之休明仍主故常恆慮賢才之遺佚恭惟憲臺材兼揆奮樂譜中和風雅總持文章司命蠻防險要詳李德裕之畫圖時彥姓名具呂許公之夾袋陶甄士類演迺斯文我粵東貢院號舍擴建於道光癸卯之歲增脩於咸豐辛酉之年合連番再四所經營實八千六百有餘號渥遭九禁恩醞業富賢書之選一譽聲雋迭邀明旨之加中式孔繁主文彌慎屬內均蒙廣額鋪中何所容身游璧沼者接

踵摩肩拓風簷者掀髯束手錄遺謝客索補沿街屢編  
筠籜之蓬須啖胡麻之飯筆牀茶竈土銚油燈各各防  
虞年年警惕仍無隙地俾足儲材黃榜相期鐵門遠限  
匪隔蓬山弱水宛然遼海秋風良可慨已孝廉船覓人  
盡張憑夫子牆高誰匪武叔某等苦筍之味深諳甘棠

之陰共憩仰體憐才之意當賡薦士之詩竊嘗度地兩  
三定說買鄰千萬犬牙相錯虎落能防牆屋聿脩竟街  
兼巷明秋七八月敢誤試期拓號三千餘畧舉成數多  
多益善請箸難籌一一瞭然按圖易索用敢聯名而上  
瀆倘蒙同願而俯俞仍待布金卽當斧木功德無量勝

造七級之浮圖寒單各懽奚止萬間之廣廈風高翮迅  
水闊鱗舒慶似登天方誰縮地別開丹室萃楞嚴十種  
之仙旋入玉堂闢錦繡萬花之谷騫騰無自緣尺木以  
能飛朕兆何憑似榜花而彌豔如新豐之改邑閭巷依  
然如臨淮之偏師旌微不變南海盛衣冠之氣瑣闈直  
儼乎 北都南闈仍翰墨之香祕府舊曠於東壁

爲閩省人士請添設房官上各憲啟

竊以重熙累洽舉孝秀以同增碩學高才慶陶甄而漸富掄才綦重校藝宜精疾原異於看花益迥殊於買菜珠衡誰握珊瑚網同搜專司諒極精能分校仍當整暇我粵東厯科省試恪遵成憲房官舊止十員業荷俯仰號舍增逾萬數下雙管以仍畧披萬籤而靡遑俯仰如神豪芒易忒望求拂拭猥言五色之迷遴選去留仍恐千慮之失恭惟憲臺雷雨經綸山河容納某等辨慚菽麥誼切榆枋竊嘗錄四川省所奏聞仿添衆房考而閱卷外簾稱是多士彌欣津梁不疲璣鏡同耀昨承鈞諭倘

合機宜卽上達於 中朝仍靡越乎殘臘慧似黃華絳  
樹亦均畀其賢勞吟成野橘秋荷殆各精於衡鑒三千  
牘之文史足用上第袞然十三房之壇坫斬新戰場非  
古加彭祖者萃其力仍頗蓄艾之心虔爲浮圖者合其  
尖休訝發棠之請復

爲闔邑人士上朱柳溪明府請重刊邑志暨續修  
啟

昔楚炬既焚鄼侯特收圖籍韓瀧始賦退之先問圖經  
我南海邑志脩始於庚寅刻完於癸巳堂開學海閣貯  
文瀾竟作劫灰詎留餘燼幸值我柳溪先生老父臺大  
人良能準的風雅典裁攷獻徵文脩廢舉墜某等材同  
壽櫟蔭藉甘棠合桑梓以聯名喜榆枋之如舊忍令鄉  
邦掌故悉付榛蕪擬將流輩弆藏重付梨棗並苦心於  
蓮菂握槧懷鉛畫依樣之葫蘆重規疊矩倏更四載誰  
無復刻之思將屆卅年宜有續修之舉敢求椽筆著望

夙詒乎揚班願捧珠槃尋盟忍遺乎曹許統祈俞允俟  
訂章程仍懇主持待籌費用珍此一鱗片甲頓還五采  
之觀飾以屑玉零金彌增百寶之貴因陋就簡竊非韓  
汝慶康對山之書抱缺守殘免如李吉甫王象之所撰  
李壽朋所特譏創任石湖黃才伯之曩編補煩夢菊謹  
啟

代閩省紳士爲潘德畬廉訪伍紫垣觀察請脩赤

岡琶洲兩文塔啓

竊聞五嶺北來城郭開而自固兩江東下淳圖鎖而始  
完本極莊嚴竟煩締造喜得人而址任諒守土所樂聞  
我粵省會城隔河赤岡琶洲兩文塔經營均始於明代  
形勝實關乎省垣水複山重民安吏恪嗣重脩于雍正  
恰相符而大魁頃妨漸圮第擬彌縫仔肩頻勸樂輸彈  
指烏能湧現迭張戎幕已毀相輪費定不敷事旋中止  
恭逢列憲大人琴鶴如仙香花禱佛耕推漁讓邑誦塗  
歌有在籍紳士按察使銜卽選道潘某道銜卽選郎中

伍某桑梓情同梅檀供辦欽拊循乎百國期保障乎三  
城助百廢之俱興請一如其所懇崛起有狀元宰輔不  
徒繼軌于昔賢所推皆正士端人何必借材於異地所  
有脩塔經費皆潘某伍某兩人捐出董事者卽委知縣  
徐序經教諭黃元章訓導譚瑩等三人無庸另派委員  
一切工程公舉紳士督辦豈煩他及姓名預許同傳旣  
合其尖功德共知無量

代潘德奮廉訪伍紫垣觀察請同脩赤岡琶洲兩

文塔啓

竊聞水落扶胥原藉江山之助坡新翠堵彌增門戶之  
雄形勝所存經營敢緩我粵東會城隔江赤岡琶洲兩  
文塔後先創建於前明鞏衛實闢乎全粵玉山珠海毓  
秀鍾靈蕉埠桃林畫英騰寶嗣以兼年累載上兩旁風  
雖極莊嚴業經剝落重脩屢議苦集腋而未完有識交  
推屬仔肩而並任幸值列憲大人法雨灑霑福星普照  
某等棠陰久憇原當補缺拾遺檀施已多復籍捐贏斥  
羨竊同所願宜早慶其落成伏冀俯俞更無煩於佽助

所有經費約七千餘金皆某等兩人捐出一切工程同  
舉公正紳士徐序經黃元章譚瑩等三人督辦何人望  
氣獨說齧峰異日題名依然雁塔復兩重之保障僅爲  
科名造七級之浮圖敢論功德

代閩省紳士爲潘德奮觀察請增脩省闈號舍竝

脩學署考棚啓

竊以論秀書升首重衡才之地急公好義羣欽樂善之人功豈易於兼營事綦難于竝舉無勞集腋有識傾心欣逢三載之期喜懃萬問之願我粵東貢院號舍阮儀徵特使重脩怡總制會議添設嗣以島夷不靖幕府同開養士非迂緩之圖駐兵實權宜之計不無頽壞實甚荒涼理前說則虛願彌畱其太奢及他圖則餘力均疑其不逮蓋廣州學使署考棚歲月綿曠風霜凋零糜朽可知欹傾足慮某等銜石有心布金無術一舉原期於

兩得此時轉覺其萬難屢約勸捐當釋警投鋒之始更  
防貽誤是興廉舉孝之年乃番禺在籍按察司銜卽選  
道潘某迭同商榷務使十全尙費經營慨然獨任是皆  
列憲大人功德雲垂文昌星照乞如所請俾觀厥成圖  
先繪以傳觀錢未輸而感嘆負大舟者需其力反令我  
輩慙惶爲浮圖者合其尖獨確昔年辛苦魚龍將化曲  
成造士之心龜鑑誰如預賀得人之瑞

代潘德奮觀察請增脩省闈號舍竝脩學署考棚  
啓

竊以文事不緩於武功院考實先乎省試國家大比尤重孝廉嶺海多材倍憐遺佚我粵東貢院號舍壬午共慶脩完庚子原思增建嗣以籌海連年事旋停止屯兵此地計本權宜易致毀傷實多傾圮今者幸際承平亟當營繕仍理擴充之說兼籌作養所宜廣州學使署考棚兼年累載難稽卜築之時上雨旁風當體憐才之意勸捐攸賴屢集紳賢應試有期難稽時日況值列憲大人求賢孔亟說士同甘有萬間廣廈之心獨片玉

崑山之寶某記曾投足願獨仔肩業先繪圖不復計值  
仰邀洞鑒期尅日而俯偷竊采鄉評冀得人而共理董  
事請卽委教諭黃元章曾銘勲訓導譚瑩等三人尅見  
才如方朔益勵三千奏牘之能羣推德愈贊皇獨增八  
百孤寒之感

爲閩省紳士請修赤岡塔上  
憲啟

竊以錦石英靈重鎮實須環衛去而聚落隔河仍與毗連殆全粵之所關三城保障與琶洲而並峙兩地莊嚴黃木灣空俾梯航之共懾六榕塔古如鎖鑰之相需旗鼓麾幢河山鞏固帆檣樓艤烟雨合離此赤岡一塔所由昉乎爾其創自前明迄乎昭代魚龍百變鱗玉千春樓敝合江亭猶浴日笠簷蓑袂翠羽文螺寺寺鐘魚村村農圃憶重修於道光甲辰二月惜遽毀於同治丁卯九秋屢令輸將敢言興葺幸值陶劉勳闕羊杜威名五管清怡百廢具舉竊冀於本年合捐增建貢院號舍

羨餘存項許撥銀四千兩俾成盛典旋復壯觀榱桷一  
新煙霞萬古永原同於淨慧登獨艷乎慈恩覩十郡之  
森羅作重溟之控禦湧現或來千佛獅海波恬威靈同  
祀六侯虎門塵靖溯五仙之聿至原盛衣冠造七級而  
歸然伊誰功德坡老本前身奎宿合供寶陀扶胥有海  
日神山聯登丹地

賀翁常熟師相內召還 朝啟

竊以元聖袞衣夙致鴻飛之慕召公圭瓚宜賡虎拜之  
詩爲唐室之隆平天生李晟實匈奴所敬憚人比王商  
恭惟師相一代宗臣

三朝元老狀元宰輔辭翰一家廊廟封疆勲勞千古乃  
以明農夙願耕野如初巖擬退思園名獨樂琴尊東墅  
侍謝文靖而無由鑽鑰北門匪寇萊公而不可茲以中  
原多故絕徼騷然特沛 恩綸仍端揆席潞公復相宋  
廷備敬老之儀文正重來遼后敕開邊之慎范希文之  
責任後樂先憂諸葛相之生平集思廣益天下安如磐

石依然正笏垂紳斯人出慰蒼生亦但斜簪散幘蕭曹  
在位甄陶皆絳灌之才房杜籌邊轉移息中外之擾佞性  
見將皆馮鄧臣多岳韓如明鎬之破貝州若李愬之平  
淮蔡比王文成之馭歛如戚少保之練兵以人事君朝  
野相慶望槐市生徒橘園吏隱遠聞 朝旨兼聽塗歌  
走難學乎馬牛賀聊同於燕雀將痛飲以酬佳節 聖  
朝之雨露原多卜餘年定見 太平舊宅之山河不改  
時江南陷賊已久 向大澤名山而默禱幸皇天后土之式臨原  
官官宮妾所未知是走卒兒童所共識肅求榦誨遙頌  
鈞安無任愉快欣忭之至謹奉啟事以聞

約粵中耆宿重陽日海山仙館讌集啟

代廖鹿脩

觀察作

唐白樂天致仕居洛與胡杲吉旼等諸賢作香山九老會焉至宋則潞公年德社結耆英涑水生平約彌眞率後先輝映今昔流聞已某等遂初久賦慶壽先慙信人生之古稀實老民之多幸業辭蟬而捨冕仍載鶴而攜琴願與耆賢樂偕談讌思古人而竊愧仿良會而罪然茲謹擬於重陽令節同集潘園署曰海山仙館者也三城以西半塘以外洲鄰拾翠序笑題糕荷葉裏飯以彌香荔支釀酒而剛熟菊花環水橘樹經霜定論丹籠因

緣卽吾酒田供奉郡原羊石廳事更繪乎仙人宴比龍  
山官閣迥異於蠻府富鄭公均同值會勿送酒而不來  
王宣徽旣願寓名先裁詩而必至牋繪商訂笠屐迎延  
攜錢誰訝阮脩腰笛人如李委清閑有味惟此時然壽  
考不忘何若是客浮生止消半日佳話足豔千秋鐘萬  
旂常敢謂此瞻堂比琴尊書畫居然履道坊如敢笑李  
文正之宴嬉雅懷非遂或用狄祕書之故事晚進同班  
林木翳如佳日原宜觴詠衣冠甚偉後人真作畫圖孝  
廉年踰七十者均宜與斯會殆溢元豐之數足媿會昌  
之賢某啟

約同人重修梁藥亭先生墓兼營祀典公啟

國初梁藥亭先生 熙朝老宿海嶠英靈早厯文林晚躋翰苑主騷壇於南裔結吟社於西園偕德曜以幽居芙蓉繞谷住隨如之舊里叢桂留人盛德絕倫逸才曠代生同屈鄺友訂盟心來有王朱君能抗手不愧三大家之目憐江左之盛名殆綜十先生之傳洵嶺隅之間氣湖曲紅而接軫齊獨灑以揚鑣韓蘇獨此正宗馮黎均其嗣嚮墓在廣州北門外若干里訶子嶺葬同士行卜有眠牛陵比江都過輒下馬蘭芬玉穎碑版屹然月死珠傷簪裾邈矣幾至忽諸之嘆庸安逝者之心委奉

嘗於破廟附供養於叢祠考旋葬於康熙五十年辛卯  
憶曾修於道光元年辛巳驥驥霜露悽戀烟霞牧笛樵  
謳殤魂鬼火笑要離之徒近知太傅之爲誰絕異巢由  
買山有約此無忠武伐墓公然王孫安知葬令爲乎長  
樂將軍乃故訟難恃乎安生亟當刊醉吟之碑修謫仙  
之祀重爲憩石專待布金蘭茝告虔松楸無恙佛有華  
嚴之劫君非冥漠之倫亦後死之因緣盡真靈之位業  
所望捐羸斥羨佽助慨然庶使繼往開來英華靡絕或  
謀隙地另闢詩龕卽許丁卯之莊鑄賈闐仙之像青霞  
廟近白雪樓高迭奏神弦仍復社事昔者白楊作柱尙

書之冢全非今茲秋菊薦馨水仙之祠一例植花酿酒  
較何點以彌殷種蔓獲甄傳張瓊兮孔易臺登得月壺  
觴同謁文溪軒紹抗風領袖原如典籍定姪未陽墓碣  
過者題詩倘有徵君祭田阿蒙作記

戴文節眷屬抵粵約同人佽助公啟

代

一代精忠當問廉頗之後全家羈旅忍同任昉之交期  
擲米以成丹如採花而釀蜜卽比邱成分宅仍祈魯肅  
指囷管幼安幾遼海無家趙伯陽殆英雄所保我戴文  
節師學綜三才識窮兩戒用兼文武氣壯河山還山本  
仲若之素懷蹈海實魯連之夙願翕然鄉望偏摧保障  
於東南竟作水仙僅寄英靈於苕霅哲嗣保卿茂才昆  
仲等學離家之王粲如貨廡之梁鴻冀桓郁仍作太常  
知鮑昱復爲司隸比徐家之四皓才操不羣來粵嶠之  
三城文史足用然而青輶布襪冷炙殘杯孀幼關河田

廬兵燹油燈土銼况味可知經卷繩牀遷流靡定某等  
忝列門牆夙欽堂構賦招魂而未學幸繼踵之孔繁誰  
憐避地之伶俜竊欲補天之缺憾茲游或遂獨飽何心  
各篤摯以輸錢或殷勤而賚米拔一毛而不可集千腋  
而乃成感德思賢捐贏斥羨諒齊心而同願勿袖手以  
旁觀陶通明暫學移居傅脩期終將殺賊雖袁安高卧  
素未干人而漢代相沿談先舉主豈必杜陵廣廈得庇  
清寒迥殊長者祇園敢論功德餽兼金而不受緣無聞  
戒之辭餉一飯而難忘謂罄酬知之事某等謹啟

梁教授雲門先生遺像贊

希賢希聖非惠非夷陳元龍百尺之樓黃叔度千頃之陂氣體高妙有過人者風流儒雅殆亦吾師不因人熱何用田爲歐九讀書子固能詩陶徵士顏延年之誄郭有道蔡伯喈之碑

新建兩廣節署上梁文

羊鉅平之出鎮鈴閣翛然李贊皇之籌邊畫樓詳悉閨  
能獨樂亭費精思猥言締造之艱彌見轉移之妙人思  
召伯所憩甘棠將譽條侯定軍細柳綜核至木屑竹頭  
之瓈陶侃材優措置若泰山磐石之安韓琦望峻我制  
府辛階尙書勞大人遺大投難集思廣益揆文奮武後  
樂先憂合駐內城兼因別廨範圍不過擒縱能操經營  
則都護府先威重而橫衝隊肅靈洲望氣獨占南海衣  
冠遼使知名合寄北門鎖鑰驛曾籌筆鎮撫奚宜園特  
布金莊嚴湧現森然兵衛遙控百城不下堂階洞見萬

里笑廣州之廳事但繪仙人軼方帥之堂皇合名元老  
飲惟杯水去定投香惜到分陰來先運甓臨淮久任徽  
幟精明武惠元勳圖籍寶貴霍去病未嘗私宅李藥師  
儼若長城羽扇綸巾素屏檀几時和歲稔兼營喜雨之  
亭偉烈豐功兆畫凌煙之閣書誰暇枕包拯風裁碑擬  
先刊廣平惠愛今者瞻溥原而啟宇斷隆棟以需材停  
汝斧斤俟余謠頌賀惟燕雀拜有夔龍百堵皆興八州  
兼督覆姓名而

命相莫比金甌銘勳績而靖蠻標如銅柱知韋皋之鎮  
蜀丞相復生祝郭令之興唐諸彝羅拜集傳經濟移營

看八寨之平謨預贊襄望

闕賀三苗之格

重建廣州城南三大忠祠暨南園前後十先生抗

風軒募疏

從古興亡詎乏忠藪或激昂陷陣或悲憤投江或馳惶  
納肝或倉猝斷脰植綱常於淪喪通勝巒於幽微享祀  
不忒宜已若乃朔南一轍臣僕千春相期百折以不同  
竊比三仁而彌慘殘山剩水誰間奈何之天金盃玉魚  
皭然乾淨之土仙掖殉波臣而去鬼雄知獄吏之尊業  
箕尾之各騎兆香頭而待斲著黃襪而無媿咏覽裳而  
忠之素流風餘韻之存焚楮奠椒烏容已已嘗竊謂宋

喜同

文陸二公與謝壘山同舉寶祐四年進士

貞節苦心成仁取義履潔含

室三忠之烈洵足增吾粵五管之光者也畧殊江右惟祀二山

文山  
疊山

遙望厓門屹然雙廟左有抗風軒爲前明

前後十先生壇坫舊址并廟祀焉迭脩社事信買鄰居

萃海嶠之英靈益忠良之涕淚異劉郎之懷古敢說降

幡如宋玉之招魂各工楚些牙旗玉帳飜馬雲車跕鼓

齋魚筆牀茶寵聞中十才子或許聯鑣嶺南三大家均

其嗣響禮簪裾於異代總槃敦於三城理學名標英雄

事去擷新綠之田蘿供晚香之寺花黃蝴蝶之飛來錦

鶼鶼之啼徹此欽賢之靈宇亦徵雅之麗區也言時稱

代曾錄打碑累載兼年誰賡考室茲以同治丁卯夏四

月烈風陡作零雨綿濛棟折棟崩石爛瓦碎業垣墉之  
盡圯卽坊表而靡存兩地毗連一朝零落丹楹舊容蝶  
蟻玉座時走伊威堂皇埃蕪香火間寂誰訪議郎之宅  
雪意微茫似閭正則之祠灘聲嗚咽載懷興葺僉議捐  
輸志士幽人夙怨嗟共際會媚機發縕亦布施以錙銖  
卹發局銀舊於此給發勿行不捨之檀巧藉能炊之米現莊嚴於  
空際各有因緣肅名教於海隅原關風化伫見棉紅榕  
碧句有紗籠蕉黃荔丹鼓亦銅範菩提新種訪訶林而  
先拜仲翔柏樹倘存咏闕宮而彌思葛相太平宰輔辨  
香兼風度之樓正命君臣仙馭謁慈元之殿抗疏埒文

溪之直營廟同時鐫名仿炎漢之遺出錢咸列此亦表忠之觀端明作碑煥然大雅之堂浮邱復社

重修廣州府學宮碑文

代

竊以天雨洗兵中外盼五雲之符瑞 帝星燭漢東南  
仍六氣之經綸海隅之聲教煥然天下之文章孰大宅  
疑聞樂壁宛藏書夫子牆高原推美富聖人居近足庇  
寒單覩車服之完如游闕里被絃歌之化合仿武城已  
維我廣州府學宮前代鼎建 熙朝益隆人才獨儒林  
文苑之間地脈盡師海王山之勝議郎著撰傳經遠紹  
儒宗清獻風裁抗疏誰如相度獨鑿科名盛事得月臺  
高特存騷雅正聲抗風軒古情殷觀禮至若舞乎風雩

杜集題衡山縣文宣王廟  
新堂呈陸宰若舞風雩至

聲徧讀書氣足壓乎戎馬迺  
若舞風雩至

值丙辰以後戊午而還海水羣飛戎氛不靖與時升降  
從道隆污芻狗筌蹄兔葵燕麥孳經治事安定曷以名  
齋學道愛人滅明豈當由徑固都人士所同慨實守土  
者所深憂也夫外攘必本於內修文事實先於武備斯  
文未喪至道不凝昔答問陳於衛靈輒云俎豆嘗聞軍  
旅未學矧已鉤河摘洛旋乾轉坤造物無言太平有  
象 神武不殺靈光歸然允宜合漠通微修廢舉墜恪  
遵 朝憲兼奉藩維所有大成殿兩廡以暨崇聖祠等  
處均俾營葺經始於咸豐十一年冬某月日計費金錢  
共若干豈彈指而卽成布金誰吝可仔肩而獨任斧木

仍先咸與維新優乎如見環林璧沼刻桷丹楹書庫琴  
亭筆牀茶竈合兵農而講禮樂華商風移間宮殿而拜  
冕旒帝王道備賡爵先賢之廟薦馨名宦之祠微顯闢  
幽報功崇德禮也一殊俗於鄒魯冀微辭於定哀夾谷  
幽蘭靈壇文杏淵泉時出溥博如斯日月代明容光必  
照階除槐柳筐筥蘋蘩珪組章逢經書笙磬蜚聲延閣  
七門同翰墨之林望氣寶院五管盛衣冠之藪某材非  
鮑德化豈文翁受經奏功乎上庠薦石誌喜於橫舍地  
遠原同益部堂銘煩王勃之才代興屑比唐初廟記  
慙虞監之筆風味可如陸宰倘致杜拾遺之高歌品題

誰藉荊州仍侯王侍中而屬藁

重修西湖書院碑記

會城書院曰粵秀曰越華端溪齊列嶽麓同符各大憲  
延山長遞年按月定期仍各校藝焉程月川侍郎師含  
章守廣州復汰珠江併羊石穗城榜曰羊城分內外院  
焉與兩大書院參煥乎其有至矣茂加西湖之脩似可  
畧緩而不知泰華並峙而天台雁宕名區也江漢同流  
而彭蠡洞庭巨浸也厲風霜之操美箭叢生因造化之  
功長松分蔭且也近月泉之香火里賽金華話雲澗之  
仙靈竈祈丹藥像設禮虔清獻璧沼龕存風騷開始端  
明寶陀臺蘊曾南城於訶林淨社廟祀功曹翁文端實

紅豆替人祠供周子加以阮太傅儀徵師相元督粵於王山之麓闢學海堂焉大菩薩總持風雅小迦婬夙富儲藏天地經緯有開必先日月光華大文彌耀脩廢舉墜良時在茲西湖書院舊爲南海義學雍正癸卯宋明府瑋捐建庚戌劉明府庶捐脩嘉慶癸亥康茂園方伯基田撥庫閒款榜今名者霜雪載零風雨如晦書庫半圯堂皇埃蕪窗竹不改而共憐庭花未知而還發油燈土鍾覺重席之靡安刻桷丹楹支瓊堵以將壓合邑紳士馮侶笙州牧錫鏞徐佩韋明府白英等眷言興葺苦勸捐輸彌年布金尅日斧木杜拾遺之志願廈鮮萬間

胡翼之之生徒齋聊兩輩住陳蕃於一室安事埽除如  
釋迦之五城頓令湧現物無所棄咸與維新誰曰不宜  
悉同所願敢擬鄭鄉通德居然魯殿靈光廓崇基拓餘  
址繞廊載酒隔牖爲經新宮或銘舊井誰卜經始於戊  
申春某月日落成於庚戌冬某月日糜白銀共六千餘  
兩洵盛典矣新豐閭巷夫子門牆職志備書無勞釅縷  
齊頌翬飛鳥革頓賡雀角風牙誰許問津未妨讓畔獄  
乃興乎文字釁殆肇於錢刀羽扇米船南箕貝錦抄同  
瓜蔓彈偏甘蕉誰作捲堂之文永戒爭墩之誚又值甲  
寅丁巳海氛轉熾寇難頻興歲歲懸軍人人避地梁鴻

賈廡范蠡移家幸檀橋之宛然惜槐市之竟輟邇來嶺海昇平閭閻安樂武城寇退復聞弦歌之聲衡山堂存宜有篇什之撰漫無碑版泚筆作記又安敢辭矧復值

三湖創改兩序聿脩

謂菊坡精舍  
暨應元書院

我都人士藏脩息游

學問思辨權輿此地演迪斯文霧涌雲蒸風行電照賚

莫宣卿朝聽殘漏擬姜公輔海照白雲張鎮孫坊勒狀

頭倫迂岡家傳鼎印惟此時然易之而已抑更有請者

尉佗答牋伊誰屬稿楊孚抗疏匪獨能文功德茂而言倍尊才學裕而識尤貴陳臨行誼高固材能若董正以

通經似黃恭而續志文襄文敏之官闈相業當直媲乎

曲紅海雪海日之詩歌宗風能遠紹乎大白仰企千秋  
作者翕然五管通儒庶登大雅之堂永立翹材之館都  
人士勉乎哉堂老矣無能爲役語曰行之維艱良滋愧  
已馬鞍岡接魚藻門開人皆文苑儒林地迺珠涓錦石  
探花橋在忠介坊留五仙之廳事非倫千佛之閣名容  
埒天下之文章莫大獨誇翰藻於西園靈洲之氣象歸  
然彌盛衣冠於南裔

重脩南海節孝祠碑記

嗟乎茫茫此恨輪轉璣旋更誰知漆室之悲從古重柏  
舟之作衛無丹穴懷清而帝合築臺殉比金華行義則  
帥當立廟加以亮節高於尋陋不僅三貞清芬萃於灘  
江庶足千古宛麻姑之得道並錦石以題坊才操不羣  
後先輝映已我南海節孝祠遷轉沿革志乘詳焉夫以  
播種鬪歌采茶知禮圖擎鑑繡法華恪守閨箴夙爛壺  
敎內言不出姆訓綦嚴土風清嘉鄉俗篤摯倘遭逢之  
不偶若尋恒而各安心迹皦然死生度外帖梅花而比  
潔樹護草以忘憂分去同別鶴離鸞載闋春鵠秋蟀夫

猶皇甫婦比桓嫠已海氛胥平百廢具舉載懷興葺彌  
慎詳求卜芳鄰構靈宇仙人館在夫子牆高珠湄水清  
照劉氏之雙闕黃陵廟似獨湘靈之二妃扶植彝常述  
宣陰化崇禮序薦芳馨宜矣斧木設主香播栴檀鬱金  
名堂材美松栝庭靡血漬繡礎廟七星之巖殿有魂歸  
靈風埒大廟之峽賚 絲綸於九禁渝狹不如同香火  
於一龕玉魚安問海枯石爛生平皆空谷幽蘭地老天  
荒供養止寒泉秋菊經始於壬戌同治元某月日卽  
以是年某月日落成時設局脩志布金者衆特撥銀二  
千餘兩拓地重建此祠住香界以翛然與玉山而不朽

已或送往事居俯仰無憾或興滅繼絕始終不渝或丹  
巒文軒或青碧縞幙或激昂而伏劍或隆貴以稱觴或  
蕙歎芝焚或柏悅松茂或初婚而輒寡或未嫁以于歸  
疇曩同符存沒一轍謹奉原祀若干人暨道光丁未並  
歷年遞請彙旌部議准以迄前志所書者共若干人合  
祀焉禮也使儼雅荷堂廟名氏騎如詎滋碧蘚巖扉經  
過題徧倘或蒐羅未及神祇亦詔其來歆依然甄錄持  
平延訪勿疑其稍濫聖所居其未遠域總莊嚴縣有祭  
而必膳饌彌香淨辭慚幼婦定憑文字流傳香爇女兒  
宛見精靈來去明瑞翠羽露筋之祠廟儼然月地雲階

墮淚之碑碣仍泐

覃恩誥授通奉大夫一品封典 晉授榮祿大夫

布政使銜候選道紫垣伍公神道碑文

公諱崇曜字良輔號紫垣廣州南海人也曾祖章蕃祖國瑩俱 晉榮祿大夫父秉鑑候選道布政使銜 晉榮祿大夫生七子公行五母陳氏生母魯氏俱 晉一品夫人惟公生有異稟夙擅英姿古誼忠肝清襟勝託光華城闕感召風雷讀等身之書勤粹掌之業年十三補博士弟子員受知於潞河白小山大冢宰人間來去驚園令之文章天下安危原小范之責任常熟翁文端師相尤擊賞焉旋食廩餼援例就職教諭傳衣鉢所深

期故事諒符於文素載圖書而漫與遺韻殆比乎鄭虔  
已嗣以捐修波子角等處基圍 欽賜舉人一體會試  
萬家私祝三輔壯游輪蹄四巡巾卷五載羣推有道况  
偕元禮以同舟爭覓張憑詎預丹陽之末座譜鬱輪袍  
而誰屑囊焦尾琴而輒還時尊人諾重千金言通百國  
總梯航於壤末獨保障乎嶺隅金友玉昆伯歌季舞慶  
基有纂靈光歸然材邁等倫道匡雅俗門業獨荷儀望  
俱華辛丑之役島夷構釁繳鷺粟而靡磬破虎門而直  
前便抵五羊能如獨鶴烽隨星落舵逐潮高戈船早移  
鈴閣晝掩鄭公却虜同議金繪范句知兵先夷井寵卒

使盟堅刑馬響悅椎牛日本不矜月支仍斬己酉之役  
進城期屆卻敵謀先將豈王罷人如劇孟小杜罪言不  
徒原衛孟嘉蠻語何必參軍洞悉機宜切中要害詎令  
石勒長嘯東門大似魯連偃然西帝險迥殊於劍閣孟  
陽勒銘棄倍甚於珠厓君房議奏界猶銅柱圍宛鐵山  
遂使彫班門敝征稅依然尉佗城高譏嫌不事教煩移  
市論卽徒戎知者鮮矣丙辰丁巳之役戎氣轉熾邊釁  
復開堠火雲烽禡艤蓋舳飭金枷其誰信劙玉斧而敢  
違晦明先請箸而籌泣涕道彎弓而射亦見轉圜之妙  
用懸知棄甲而復來寇讐者業與連和款附者當令間

謀曹同有言王綱弛而復張諸侯傲而復肅會同四譯  
中外一家屢相商榷而乃兒戲業同於霸上將心實狃  
於蒲騷竟至偏處未已焦爛爲期三城闡然九服多難  
餐氈蘇武嗟此別其安之贈策繞朝惜吾謀之不用亦  
可以悽愴傷心者矣夫佐漢六奇唯曲逆侯而能決和  
戎五利本魏莊子所夙知豈爲九世而復讐原異三邊  
之接壤厥後中朝大議良將密謀略同一揆所以柏雨  
田勞辛階兩制府均倚重公焉擒縱誰操指揮能定轉  
移無術灑熱血而容辭談笑自如罄苦心而莫諒張儀  
舌在燭武精亡補造化而無功心太平而有象惟連環

而定解舞如意而能豪此輩非孝子順孫此地亦仙宸  
帝所虎負嵎而竟去魚縱壑而不還龍性難馴鶻音漸  
革籌邊樓在懷遠驛存人有捉刀民安秉未實使單于  
朝漢兼憚王商回鶻尊唐仍拜郭令此亦公之功也歲  
在甲寅紅巾筆亂白鷺誰導青犢何多驟起分江幾連  
闔省雁翅之城早閉馬鞍之岡復靈吮血磨牙抽腸隳  
膽星營露閣箭火譽灰時葉漢陽師相攘袂而起同心  
合謀忠武目以可人條侯詡以敵國山川險要士馬精  
良刑賞平反部署先後節樓文案案籤室機宜周爰諮詢  
知人則哲北門鎖鑰寇平仲原鎮定之才南國干戈崔

正子有澄清之錄材如昭諫屑唱饒歌客異馬周能知  
封事居近西園地連北郭榆柳在望草木皆兵特募土  
團之軍俾禦僧騰之客八橋塵靜雙井波恬鄰火村春  
酒旗歌板張曲紅之作答間藉飛奴馬新息之定邊仍  
騎款段原如卜式久越王丹備邊之庫使空勞軍之錢  
獨任糜子仲上金銀貨幣匱困不虞符彥卿獻錦綵資  
糧聲威乃振惟知奉國豈以釋疑卽至毀家業先紓難  
且也金陵水戰遠辦艨艟 神京穀倉藉富儲待裕極  
邊之賞賚並及逋亡卹鄰省之凶饑復經兵燹况乃委  
司分局殆十餘年頻勸樂輸仍數百萬捐贏斤羨乃防

匿戶藏丁置腹推心奚事徵村切里驟稅之名飛錢之入殆創聞矣

天子褒之恩私稠疊候選道加布政使銜 與榮祿大夫給予一品封典 賞戴花翎中年之心力交瘁金版懷珍極品之頭銜遞加紫薇進秩獎談兵於戎府親灑丹毫憶奉使於江南曾持玉節金孔雀之殊錫石麒麟之誕生公以庚申始得孫六院琴書一門簪紱殆所宜已嗟嗟庭牋 玉詔

帝稱忠義之家臣本布衣身繫興亡之局倫黨稱孝固知蠻貊之可行婦稚懷恩第說英雄之所保猶憶西關

人士議構生祠委作幃語而公均力辭

望

所親見所以

若蔡中郎之撰碑原無媿色哭馬少監而誌墓別有餘

哀已其他穆行罄竹難書如我素交種花當許公生於

嘉慶庚午年二月初五日酉時卒於同治癸亥年十月

二十二日亥時年五十有四卽以同治癸亥年十二月

初一日葬於大北門外金錢嶺之原禮也妻許氏

封一品夫人妾芮氏梁氏俱

封恭人子紹棠

欽賜

舉人賞加四品銜候選郎中賞戴花翎孫環文藹

文嗚呼手無斧柯龜山宛在墓有宿草鴻波不興地老

天荒乾清坤謐終將穿冢擬近要離曾未上墳真慙范

式我猶孺子奠時仍具炙雞陵比江都過者咸思下馬  
待建屈左徒之廟詣復招魂宛然羊鉅平之碑讀當墮  
淚乃作銘曰

胥山祥符蠻海氛靖枕杜誰歌薤苻迭警民夷構禍里  
鄙需賢託緣謹慎役笑遷延一劍論兵萬金酬士將令  
如山臣心似水偏如陸賈迥異何真撫戎剿寇裕國甯  
人職匪領軍誰容避地遐邇翕然東南重寄周生謗謗  
郭憲觥觥忠言逆耳贊普渝盟五嶺有光退之驅鱸七  
門如舊令威化鶴還理故業乃閟重局述文敘勳垂光

作靈

覃恩晉榮祿大夫紫垣伍公墓誌銘

瑩既作紫垣伍公羨道之文其哲嗣復以壙中之銘請  
竊疑勒分兩石獨范傳正之碑銘製自二王

湘東邵陵

惟裴

子野之墓誌倘乖前式貽誚重規已然謂交誼特深生  
平盡悉殆孝子慈孫之深意實通人達者所交推祕籍  
蒐羅諱囑讐校衡鑒不爽鉛槧實多上足補金匱石室  
之遺亡次亦供墨莊書庫之瀏覽述作同例是即可傳  
馨香所藏畢世結習辭不獲已仍屬稿焉詳露版者不  
復贅公諱崇曜字良輔號紫垣廣州南海人也曾祖章  
蕃祖國瑩俱 晉榮祿大夫父秉鑑候選道布政使銜

晉榮祿大夫生七子公行五母陳氏生母魯氏俱

晉一品夫人惟公辰象精靈僧伽福德對嫋初月才豔落霞碧雞金馬之詞章鳴鶴士龍之譽望返議郎之第宅朔雪當飛學仲舉之門庭纖塵亦掃以劉琨之傷亂容孫綽之遂初繫社稷之安危前身青兕作鄉間之保障遠徼金鷺踰繡褓之年華恪遵庭誥住烏衣之門巷藉甚鄉評實使危帽散衣間街淨盡明珠翠羽合市依然益在維桑謙猶大樹客非蓮府人擬菊坡職志當書無煩臚述若夫縹囊緗帙玉軸牙籤夙富儲藏輒同甄錄猶憶命酒春明之宅徵歌野史之亭相與推求本原

是正得失搜尋異本購訪原書咨嗟三篋之亡珍重一  
瓻之借誤仍思讀缺亦傳鈔編摩卅年審定各部抱殘  
守匱提要鉤元最樂蕭閒還往宛開吟社總持風雅後  
先同付手民况當浹歲撫夷彌年助國合千村而盪寇  
定五管而籌兵不可企已嘗輯粵雅堂叢書初編二編  
三編書凡一百八十種刻焉該而特要博而不繁儻左  
禹錫學海之編軼陶南村說郛之輯以視 國朝琴川  
毛子晉鄖鎮鮑廷博殆如驥之駢也又嘗輯嶺南遺書  
第一集第二集第三集第四集第五集第六集書共六  
十二種粵十三家集書共十三種楚庭耆舊遺詩前集

後集續集書共七十六卷均刻焉鄉邦論撰海嶠英靈  
博采兼收芟蕪刈楚良金美玉截貝編璫闡幽顯微懷  
舊思古以視前明黃才伯張孟奇區啟圖 國朝馮司  
馬溫舍人羅太學劉編修凌茂才等各鄉先輩所撰求  
屑同於買菜用殆比於積薪已至校刻宋王象之輿地  
紀勝共書二百卷則又錢竹汀宮詹訪求而始獲阮文  
達師相畱貽而僅存者也原 四庫所未收合三本以  
重訂神物之呵護已久故家之藏庶略殊苦爲分明參  
互考證詎畱餘憾洵屬鉅觀也近又自吳門購得 國  
朝海鹽張月霄金吾所撰金文最原稿書共一百二十

卷備完顏之掌故緣鉅手所嗟稱

阮文達暨李申耆均有序

未覩琬

鐫俄驚玉折公業繕寫足本剖劂未竣而乃永憶逝水同歸道山良可痛惜哲嗣纘繼鴻緒樂觀厥成仍議開雕卽廣流佈且復篤志墳典鳩閭曩編更請他題殆卜延慶卽公遺著吉光片羽臘粉零金亦擬同刊免令放失信斯文之未喪而盛業其不朽者乎公年十三補博士弟子員旋食廩餼 欽賜舉人候選道加布政使銜賞戴花翎給予頭品封典生於嘉慶庚午年二月初五日酉時卒於同治癸亥年十月二十二日亥時年五十有四卽以其年十二月初一日酉時葬於廣州大北

門外金錢嶺之原娶許氏 晉封一品夫人妾芮氏梁  
氏俱 封恭人子紹棠 欽賜舉人 賞加四品銜候  
選郎中 賞戴花翎孫環文藹文嗟嗟天下之文章莫  
大嶺隅之文獻誰徵一品集同一坏土在沈碑不事決  
征南之永傳題墓有詩似拾遺而能記嗚呼復誰知我  
久輟伯牙之絃幸有替人當續叔皮之史大星竟隕今  
雨仍來聞鄰笛而後悲檢楹書而竊慰羽陵之藏不蠹  
銕本咸珍趙州之土同澆買絲欲繡殘陽柳葉明月梨  
花須堯典以同棺宛法華之在手墳隧羅拜夢衣冠交  
錯乎古今陵谷寂然與卷軸長留於天地千春事業亦

吳札之劍臺萬丈光芒卽劉蛻之文冢復作銘曰

望峻華戎趣耽文籍延閣徽猷名山心迹延資異裕汲古功深南庫文圓西園墨林白玉樓局丹砂井改震疊七洲盱衡千載表彰前哲撰著殘編懸同機鏡錄豈雲煙容納山河森羅星斗沾溉後來釐定誰苟征蠻綏寇橫海銷兵策高匡贊惠洽儒生秋菊春蘭謨觴位置玉樹長埋鄉壤福地闡揚道素演迪人文鎮心編嗜瑣骨餘芬記總依稀垂當永久龜蓍載言梨棗同壽提攜語默殘缺凋零力迴造化德被幽冥阿士才名小坡寄託四部全刊九原可作威斗篆古漆燈闔然玉棺竟下書

樂志堂文續集卷十一

藝圃錄

李

香永延

公祭南園前後十先生祝文

飛雪宅淪抗風軒蠶東粵詩亡南園社復三唐派接二  
獻祠同人聯十友地邇三忠律判古今輩分前後秀冠  
江東聲騰嶺右詩仙陟降佛地清華前明七子昭代  
三家穆若清風森羅列宿書畫琴尊鼎彝登豆緒闡浮  
邱美擅詞林我曹嗣響詩境聯吟海嶠騷壇春秋社日  
五管英靈寸心得失紅棉開落白藕芳馨綿千萬禊禮  
十先生

程月川侍郎師崇祀粵東名宦公祭祝文

通儒廉吏良帥重臣諸葛名士文成替人歟歷卅年經  
濟一集中牟魯恭桐鄉朱邑理縣開府裕國憂邊士風  
橫塾水利梯田陶侃清忠宋璟遺愛澤切去思風高前  
載佗城興誦潞水客談計闢天下祀延嶺南

祭盧后山制府文

代

嗚呼哀哉功存鐘萬像繪丹青難留冬日忽墮晨星沈碑城闕輒未郊局高才昔擅思舊誰銘觥觥我公篤生畿輔學究天人材兼文武捫蝨猛談聞雞逖舞向擢甲科政參戎府鎮定誰如澄清可覩材儻侃宏望齊羊杜揚舲鄂渚擁節中州齊知革俗河頌安流湘中翹切山右遮留星營霧閣緩帶輕裘樽彝帝賜犀象江投北地居憂西郵梗化羽檄方馳墨縗能謝轉餽軍饒羸糧敵訢填谷委山輦車轔駕億庾斯豐壺漿迭迓特晉宮僚寵延世職孔雀分華珊瑚儼色望峻中朝威加絕域

西土旣平南邦是式酌泉自勵運甓誰知復銘銅柱竟  
廢珠池華夷震疊江漢謳思齋中酒易從事書貽登樓  
或坐連榻誰嗤慶惟士女歌有童兒蠢爾逆猶囂然  
盛世楚粵毗連兵民提制兩地綏懷孤軍鞏衛封豕革  
心連雞失勢狡鳥蠻花蛇妖蠶蠱蕉埠桃林茅烟筭雨  
大將麾幢中軍旗鼓一道周知三年鎮撫重來嶺外實  
總師干德洋恩溥色正芒寒遠夷桀黠互市仍安彌年  
旱潦饑殍誰看山明海晏永塵凋殘家無跔屣野絕探  
丸文傳驅鱷集訂驂鸞水涸長河峯頽靈嶽檜幹風凋  
松鱗霜剝箕尾空濛河山綿邈慘對銘旌悽聞畫角曳

杖安歸焚香曾覺嗚呼哀哉處極脂膏守如廉吏拔盡  
寒單人幾債帥蠻貨不傳越裝誰寄珮決定捐弓刀無  
異嗚呼哀哉某等夙荷陶甄彌增悽咽內相威名長離  
永訣孫楚言哀羊雲涕咽清酒維馨嘉肴既潔音響闇  
如英靈未滅嗚呼哀哉尚饗